

1012 C

# BUEZ EUR PAYANÈS

## EN UN GRAT BILUC

HAG EVIT PUNITION

### A ZO BET DEVEZ E ROM

*Var eun ton Nevez*

TAD ETERNAL, Roue ar gloar, —  
Ker koulz en enf 'vel en douar,  
Reit sclerijen d'am speret,  
Da ziscleria ar malheur c'hoarvezet

Ar c'hossà dèn zo biscoas be  
En deveus james en elevet,  
Evit kement a zo passeet,  
E vije bet eur *Plac'h Belec*,

Speret Santel, me ho suppli,  
A c'hui ive Guerc'hes VARI,  
Dr rei dime hoc'h assistañç,  
Evid galloud en em avanç,

Pehini zo bet pevar bloaz anter  
O vinistra Corf hor Zalver:  
Eun dra a na verite ket  
Nac hi na femeulen ebet.

Da rei sclerijen d'am speret  
Da dreñ ar gallec en brezonec,  
Da ziscleria d'ar gristenyen  
Ar vroec a Jucquetan, certen,

Breman, christenycn, e comañçan,  
Discleria dec'h ar vuez man :  
Homan a oa ganet en payanes,  
Er mes demeus ar gristenes.

En iaouankig abandonet,  
Gant tad ha mam dilezet,  
'Vit commanç e buez prestik  
En'em viskas 'vel eun Ermit.

'Vel eun Ermit en em viskas,  
Evit commanç e boët da g'las k  
Poursuiv e hent gant dilijanç  
Ec'h erruas souden en Franç.

Erruont a eure hep retardi  
E kichen ty markis Tollery ;  
Ar varkizez 'vel m'en goelas,  
D'e vlae'h a gambr e lavaras :

— Buana ma c'helfet, emeti,  
Groët d'an Ermit antren en ty.  
An Ermit en ty antreet,  
Ar varkises n'eus saludet.

Pardon en devez goulennet  
Eus e hol offansou gret ;  
D'ar varkizes, a wir galon,  
Laras oa payen an nation.

Ar varkizes, 'vel m'en clevas,  
Outan souden a c'houlennas :  
— A c'hui a ve contant, emezi.  
Chom eunneubeut ebars em zy.—

— Me c'houlen pardon, emezan,  
Eus ma offançou bras kentan.  
Hac a chomo en o reket  
Moyennant vezin badeet.

Er memes amzer ar varkizes  
An otrou markis assambles,  
Gant solennité certenamant  
A eure ober ar vadeyant.

Beza int bet, a wir galon,  
Ar maëronez hac'ar paëron ;  
Souden e zeo bet kasset  
Da studia ha gret belec.

Goude ma zeo bet belleguet,  
En pat pevar bloas eo chomet  
Ebars en ty en o servich,  
Oferenan bemde en o ilis.

Ar pevar blaves passeet,  
Laras d'ar markis eun deves :  
— Ma pe ar madeles, emezan,  
Conje ouzoc'h e c'houlennan. —

Ar markis hac ar varkizes  
Carguet cals a dristidigues,  
E c'honje dezan o d'eus roët,  
O c'houlen outan ar sujet.

Ma fillior dime e leverfet  
Petra signifi ar sujet  
Ma deuit da guitat on ty,  
Er fesson-man d'on abandonni.

— Abaoue ma meus bet ar sclerijen,  
Hac an ano a vir gristen,  
E meus gret ar bromesse  
Da vont da visita eur bê,—

Ini ma Zalver biniguët,  
Dre e graç mar am permet ;  
Hones eo an occasion  
Ma o kuitaan-me, ma faëron.

O vezan clevet ar reson,  
Gant joaustet en o c'halon,  
En em gueljont o daou contan  
O rein dime tregont pez arc'hant

Commanç a ris me ma beach  
Er fesson a pelerinach,  
Ma zoun bet en em rentet  
En ty an Itron Varia Loret.

Antreet ebars en ilis,  
A celebret ar sacrifis,  
O sortial goude timat,  
Ezoun erruet ebars en Napl.

Hep arreti en nep andret,  
Kichen ar Montagn zoun arruet,  
O vezan surprenet gant an nos,  
Hep gouzout pelec'h mont da repos.

E zoun arruet, gant graç Doue  
En kichen ty an otrou Cure,  
En eus sur mad va recevet,  
O sonjal e voan eur bellee.

An deñs varlerc'h mintin e savis  
Evit celebri ar sacrifis,  
Goude fin ar venediction,  
E ris ive instruction,

Dre pehini e rentis contant  
An ol kement a voa present,  
A eur voues tout e c'hejont  
A d'ar C'hure e leverjont :

Va fedi mar pliche gane  
Da chom epo neuze gante ;  
Ar C'hure contant couls hac int  
Zeuas neuze da c'houl ouzin :

— Contant e vec'h, bellee yaouanc,  
Dam servicha fidelamant. —  
E c'houlou dezan meus accordet ;  
C'huec'h mis e meus an servichet.

'Vel voa ma musur ramplisset,  
Er fin c'houec'h mis meus avouet ;  
E meus lavaret d'ar C'hure :  
— 'Voan fumellen en guirione. —

Ar C'hure evel man glevas,  
Estonet bras en em gavas,  
O veza incredul anezan,  
'C'heure dioc'h-tu ma bizitan.

Ober ma c'habilla en fumellen  
O lavaret dime evelen :  
— Sortiet, emezan, eus ma frezañ  
Rac da Zoue eo bras an offañç.

An offañç o c'heus cometet  
Dre o faos sacrifiçou gret. —  
Kent evit monet em zro,  
E c'houlennis ma papero.

Ar C'hure din en deveus lavaret :  
— Evit ho papero no pezo ket. —  
Dre promptitud a dre valis  
Tri tol contel dezan rois.

Souden neuze 'voent kemeret,  
A d'ar prizon 'voent conduct  
Evit soufr ar bunion  
Ebars er guer eus a Rom.

Ma froses a voe gret buan  
Da veza lesket gant an tan.  
En punition d'am pec'het,  
A d'ar muntr infam am boa gret.

Arac mervel e c'houlennan  
Pardon ous Doue da gentan,  
'Memes amzer ous ar Verc'hes,  
Ous an oll Zænt hac an Æles

Demeus ma oll sacrilejou  
'Meus cometet em sacr'fisou,  
A goulen er memeus instant  
Ous kement den a zo present.

Da cavet sonch eus ac'hanon  
Ebars en o oll bedennou,  
Da bedi Jesus hac ar Verc'hes  
Da gavet eus ma ine truez.

C'hoas e c'houlennan digant Doue  
Da guement glevo len va bue,  
Ma vezint inspiret neuze  
Evit delivranç d'am ine.

*Propriété de l'Editeur.*

Da laret eun *De profundis*,  
Peden ordinal an llis,  
Evit delivranç a memor  
A Ineo ar Purgator.

Peb a *Bater* hac a *Ave*,  
A *Requiescat in pace*,  
*In Manus tuas, Domine*,  
Doue da vezo gant ma ine.

AMEN.

